

DAVCVNS ROYS ANCIENS D'ANGLE TERRE.

LA tresbelle Isle de Bretagne, fut sans faute nulle habitee, deuant qu'aucune chose certaine & seure, soit laissée par escrit aux successeurs: parquoy d'iceulx rien ne se peut dire. Ce que les Histoires en tesmoignent, est que Syluius Posthumus, troisieme Roy des Latins (dict Syluius, pource qu'il fut nourry au Boys, & Posthumus, à cause qu'il fut né apres le deces de son Pere) avoit vn fils nommé Brutus. On dict que cestuy cy feroit arriué avec armée nauale en ceste Isle, alors nommée Albion, l'an de la creation du monde 2855. & deuant la natiuité de nostre Seigneur 1108. lequel ayāt enchassé les habitans, fit appeller ceste Isle de son nom Brutaigne. Le premier nom de ceste Isle, à sçavoir, Albion, fut donné pour ce qu'alors, comme aussi maintenant, elle fut en son circuit ornée de hautes montaignes de croye blanche, qui paroissent à ceux qui viennent de la Mer, aussi blanches, comme si elles fussent couuertes de toile blanche. Pourquoy non sans cause fut elle iadis appelée des ancestres, Albion. Brutus ayant occupé ceste Isle, y bastit entre autres vne Ville, qu'il nomma Trinobantum: & à retenue ce nom iusques l'an 69. deuant la natiuite de Iesu Christ, gouernant a lors le Roy Lud. Lequel apres l'auoir augmentée & restaurée, l'a nommée de son nom Ludtoun, qui par succession de temps est changé en London, qui est Londres,

Brutus ayant regné 24. ans, à diuisé l'Isle en trois parties, & de partie entre ses fils, donnant à chascun vn partie Il donna à son fils Locrin, la partie mediterrance du Royaume, qui est ores Angleterre. A son fils Cambro, le Pays de Galles, qui la nomme de son nom Cambria, dont nous auons fait mention en la description de la premiere table de ce Royaume. A son fils Albanac donna il l'Escoffe. Locrin à gouerné Angleterre l'espace de vingt ans, qui fut tué par sa propre espouse Guendoline, pour ce que par trop suyuat ses voluptez & lubricitez, il lavoit du tout mis en oubly. Ceste dame regna depuis 15. ans, & iusqu'à ce que son fils Maden, étant en eage, fut par la noblesse du Royaume, surrogé au lieu de son pere, & print l'administration du Royaume. Cestuy cy regna pacifiquement 40. ans. Auquel succeda son fils Membrie, qui regna 20. ans & fut occis à la chasse, par vn porc Senglier, apres cestuy cy fut Roy Ebranc, & regna soixante ans. Cestuy Ebranc bastit la ville de Iorck, & les Chasteaux de Dombar & Edimbourg. A Ebranc est succede Brutus à l'escu verd, qui gouerna 12. ans. Apres luy regna son fils Leil, l'espace de 25. ans, & bastit la Ville de Carleil, De succession vltérieure des Roys en ce Royaume, ou de leurs noms, & faitz: & de la guerre des Britannois, cōtre les Romains, & de la guerre par iceux faitz en Italie, & en la France, & des changemens suruenuz en l'administration du Royaume, ou de la diuisio d'iceluy Royaume en plusieurs Royaumes, & cōme il a este occupe des Dannois & Saxons, & de la guerre entre les Anglois & Escossois, & plusieurs autres choses, ie m'en deporte d'en escrire, & renuoye le benin lecteur aux Chroniques d'Angleterre, ou il trouuera ample instruction.